

ديوان

ممشوقه

اسم الديوان: معشوقة

اسم المؤلف: محمود مجدي

تدقيق لغوي: هاجر على

تصميم الغلاف: محمد دربالة

إخراج داخلي: ساندې شريف إبراهيم

رقم الإيداع: ٢٠٢١/٢٢٦٤

الترقيم الدولي: ٩٧٨٩٧٧٨٤٤١٠٤٥

جميع الحقوق محفوظة للناشر أى اقتباس أو تقليد أو إعادة طبع أو نشر دون موافقة كتابية يعرض صاحبه للمسائلة القانونية والآراء والمادة الواردة وحقوق الملكية الفكرية بالكتاب خاصة بالكاتب فقط لا غير.



Email: ebharpublishing@gmail.com

تليفون: ٠١٠٦٠٢٦٧٤٠١

محمود مجدی

دیوان
مکشوقت



إهداء إلى المعشوقة
ونس القلب في الرحلة
و بطة كل حدوة
عشق الروح الي ساكنه
و مسابش لغيرها فتفوة
سند العمر في التعب
حتي بلياليه المسروقة
و ده كلام مش قد المقام
و روي بيها مخلوقة

محمود مجدي

جبر الخواطر



جبر الخواطر رحمة
لقلوب مش مستحمة
وبين الخلق تايهة
وبالكلمه الحلوة مكلمة
الكلمة الحلوة بتفرق
بترد الروح في القلوب
لو كانت حتى بتغرق
بتفرق في الطريقة والأسلوب

الضحكة في الوشوش صدقة
اللي ساكن الحزن قلوبها

ومتعشمة في حاجات مش صادقة

ومش لاقية الراحة في مكانها

راحة القلوب في الرضا

وإن كل شيء نصيب

تسيب همومك على ربنا

هو رحيم عالم بالغيب



ناقصه فرحة



يا حلو ناقصه فرحة
يا غنوة تايه فيها الكلام
يا حظ ملوش فرصة
يا وجع باين فيه الآلام

يا حزن غاوي طبطة
يا عشق ناسي الطريق
يا قلب خدع المرمطة
يا خلق عمال بيضيق

يا ليل بيضل القمر
يا طيبة بقت تعيب
يا صبر داق الأمر
يا ظن عمال بيخيب

يا روح مش لاقية سكن
يا عمر بيعلم ويفوت
يا طير م الوحدة اتسجن
يا ورد بيدبل ويموت

يا عشرة بالوقت هانت
يا صحبة خلاص اتفرقت
يا ذكرى دلوقتي كانت
يا كدبة عاشت واتصدقت



صاحبة النمش



حلوة زي عاداتها

بفستانها بشياكتها

بكلامها بضحكتها

في سلامها في رقتها

صعب أوصف فيها

ده بنظرة بتجيبني عينيها

بالنمش اللي تحت عينيها

بالشوق اللي سابقتني ليها

سرقاني كل ما بشوفها
بغمازات على خدودها
بحكاية هي بتقولها
بسر ح حتى في سكوتها

ليها مية حال وشكل وطريقة
مجنونة فعلا وبرده طفلة بريئة
بتزعل وبتفرح في دقيقة
بحبها وهي ده الحقيقة

بتكمل الروح جوايا
بتيجي ع الدنيا معايا
دي اللي رسمت البداية
وهي بطلة الحكاية



تفاصيل



تفاصيل الحياة متعبة

يوماتي تعاتب في نفسك

جواك روحك مكر كبة

من غير ما حد يلمسك

تفاصيل العمر اللي عدى

وأنت مكانك لسه واقف

رغم السكة اللي تودي

لكنك عامل مش شايف

تفاصيل الحب اللي فارق

سايب مكانه ومعلم

ياريتك لما بتضايق
تفوق في مرة وتعلم
تفاصيل الوحدة جواك
محاصر أيامك بيها
مفيش غير حيطان سمعاك
وخيالك مرسوم عليها

تفاصيل كل ما بتسند
هتحاول هتقدر هتقوم
هتدوس على يأسك اعند
وابداً نفرض الهموم
تفاصيل حياتك في كتابك
والحل دايم بين السطور
رتب وعيد في حساباتك
واخلق لنفسك فرصة ودور

قراك



لما تحس بغربة في وسط الناس حواليك
أكرمك تبقى لوحك وقراك في إيدك

لما الفرح يطول الكل ومعك مش طايلك
متكلمش في نفس السكة وأبدأ غير حلمك

متدققش في حاجة وهي خلاص مش فارقة
سيب عقلك دايمًا طائر من فكرة لفكرة

غير لون الدنيا لو في عيونك غامق
جرب مرة تعيش إحساس قلبك لو عاشق

متستناش الفرصة غير لو كنت قدها
متفوتش عليك اللحظة غير لو كنت عشتها
حزنك فرحك تعبك كل ده في إيديك
تقدر تختار اللي يناسبك وتشوف إيه يرضيك

اعشق حب اتجنن إدى الفرصة لقلبك
متخلش العمر يفوتك زي ما فات من قبلك



حكايات



فيه ناس للحب مش طائلة
وناس حبت ولا قايلة
وناس حبت واهى مايلة
الدنيا بتجييها وتوديها

ناس فرحتها قليلة
وناس مش قادرة ومكملة
وناس بتبان متألمة
دموعها بتونس ليالها

ناس الحظ معاندها
وناس اللي يقرب يسيبها
وناس الطيبة بقت عيبها
حقها ضايع مش ليها

ناس حكاياتها متنتهيش
وناس منها بس تعيش
وناس ساكتة وما بتحكيش
سكوتها معلم فيها

ناس عايشة واهى بتمشى
وناس من ناس مسلمتش
وناس سمعت ومقالتش
وحكايات العمر مداريها



بعثذرك



بعثذرك عن اللي فاتك

عن اللي عيشتيه وكان مر

بعثذرك عن سكاتك

بوعدك بقلب حر

قلب يعشق ويتعشق

كلام يتقال ويتصدق

وعيوبك تزيد محبتك

حلمك معايا يتحقق

بعثذرك عن أي وحدة

عن تعب الليل وسهره

انتِ تغني عن أى واحدة
ده حظ قلبي انك قدره
بعتذرلك عن التأخير
وعن ليالي البعد عنك
ده وجودك فارق كثير
عرفت قيمة قلبي جنبك

بعتذرلك وبعتذر لقلبك
بعتذرلك ومكنش ذنبك
وعارف إنى مهما أعتذر
مش هو في في مرة حقك



مقفلة



لا فيا حيل أسند حد
ومع نفسي كده بعيش
من التعب حيلي اتهد
لو تسند تلاقي مفيش

أنا يادوب ساند على ضحكة
وصورة تشوفها تخدعك
تقلب جوايا تتوه في السكة
فيه تفاصيل لو تتحكي توجعك

توهة ومية حال يلغبط
طريق أوله كان نهاية
قلب في الشقا اتمر مط
عشان نفسه يلاقي بداية

بيان حظه مقفلة
عمره ما اشتكى قلته
روحه لسه مكملة
رغم التعب في وحدته

طبيعى حالي بيتغير
شكلي بقى غير عنواني
جوايا مية حاجة تحجير
وياريت تسند على حد تاني

بعدي عنك



مش بعرف أبعد عنك
كل ما أكلم واحدة تانية
بلاقي نفسي برجعلك
مهما كان بينا زعل
مهما كنت ساعتها كارهك
بس قلبي لسه حبك
اللي رابط بينا أقوى
من إني أبعد واستقوى
حاجة بتخليني جنبك
حاجة بتثبت حبي ليكي
لو حتى عيوب الدنيا فيكي

برده بستحلى قربك
اللي شوفته منك مش لاقيه
ولو لاقيته روحك مش فيه
ناقص حاجة عشان مش منك
روحي متعلقة بيكي
كأن حياتي في ايديكي
ده الحلو في الدنيا ده حبك
مكتوب عليا استحمل عييك
لاني فعلا صعب أسيبك
لاني أضعف من بعدي عنك



بهتانه وشوشكم



بتلوموا القلب على وجعه
ومين فيكم كان سمعه
أو حس باللي كان حاسه
ده اللي قرب منكم قال معلش
الكل سد ودانه ومسمعش
مفيش حد له حق يعاتب
مين غيري على وجعي اتحاسب
ومين فيكم خلاني جنبه
الكل ساعة الجد اختفى

أسباب وحجج وكمان فلسفة

بهتانه وشوشكم وده باين

من غير ما نفرز ونعاين

مبقتوش فعلا تستاهلوا



مش بالنقاوة



لما يبقى البعد أحلى
لما فجأة الوحدة تحلى
ويبقى العمر بعيشه رحلة
وفيه ألف حاجة غيرك

وتبقى الدنيا ليها معنى
والحياة حلوة بوداعنا
وفي يومين يروح وجعنا
وتنسي ومسهرش ليلك

تبقى بالنسبالي عادي
حد واتشال من حياتي
متأثرش عشان قصادي
وروحي من غيره سليمة

متكلمش عن الغلاوة
المشاعر مش بالنقاوة
متستغربش خدها بهداوة
أصل معدتش ليك هنا قيمة



معشوقة



أنا اللي في عشقي ماتنسيش
اللي مرة في حياتك تقابلها
اللي من غيرها متعرفش تعيش
وتلف تلف وتجيلها
أنا المعشوقة بتفاصيلها
ضحكها وكلامها وهزارها
زعلها ونكدتها ومرارها
سكوتها وشقاوتها وجنانها

أنا المعشوقة في حكاياتك
أنا بطة كل رواياتك

واللي جنب منها بتتقدر
وسنداك في كل حالاتك
أنا اللي هتتعب لو سيبتها
بكثيرك يومين وتحتاج لها
أنا اللي خاطفة روحك منك
وتروح روحك لو ختها



رزق الغلابة



رزق الغلابة مش فلوس
رزق الغلابة في رضا النفوس
وضحكة طالعة من قلب راضي
بأي كلمة حلوة بتراضي
ودعوة مستجابة براحة البال
ولمة عيلة وسند وعيال
وقوة تستحمل الظروف
وشدة تقتل أي خوف
وأي لقمة تسد جوع

وصبر يسند المومجوع

زرق الغلابة

مبيقفش على بنى ادمين

رزق الغلابة على رب العالمين



أول سطر



مبقاش فيه بطل يتصدق
والقصة فيها جزء كذب
واللي مستنيه يتحقق
الكل ييشد فيه ويدب
الكل مستنيك غلطة
حتى اللي فاكره ليك يحب
كأنك متحاصر وفي ورطة
وظروف بتلعن فيك وتسب

يتبقى قد اللي بيحصل
يا إما الكل هيدوس عليك

حلمك عمره ما هيوصلك
طول ما أنت شافيه مش ليك
لازم تدوق طعم البهدة
عشان تحس باللي في إيديك
دى الحياة ماشية ومكملة
لا هتقف على غيرك ولا حتى عليك

قدر نفسك وانت هتوصل
وابداً اكتب أول سطر
والقصة هتبدأ وهتكمل
بايمان مسنود بالصبر
إوعاك تسند يوم على غيرك
اسند على نفسك هتمر
ومتركز مع اللي يسيبك
وعيش حياتك وانت حر

علميني



علميني ازاي أحب وبطريقتك
عيشيني جوا حلم مرسوم بعشقتك
قلبي سايبه بين إيديكي وهو ملكك

اخطفيني لدنيا مفهاش إلا حبك
ارسميلي طريق أوصل بيه لقلبك
فهميني إن الحياة تبقى بس جنبك

مش محتاج غيرك انتِ من الدنيا
مش محتاج غير إيديكي تطبطب عليا
مش محتاج غيرك يحس بوجع فيا

قريبلي وقربيني تملي منك
عرفيني لو قصرت يوم في حقك
ونبهيني ولا تسيبيني أبعد عنك



بيضك



على طول بيضحك
والضحكة راسمة سكته
ماسك في إيدته شنطته
نازل يعافر في رحمته
حاطط سماعة في ودانه
بيسمع حاجة تاخذ باله
وهو جنب الشباك قاعد
سرحان في الدنيا وأيامه
مش حاسس بالناس حواليه
عمال يفرك في إيديه
كأنه مش شايف بعينيه

عائش لوحده في دنيته
مسروقة روحه في وحدته
لا حابب يسمع ولا يكلم حد
طول طريقه وسكته
يوصل ويبدأ نفس الروتين
عمال بيضحك بقلبه الحزين
ويخلص يومه ولوحده يرجع
مش فارقة عرف أو قابل مين
وتقريبا ده حال كل يوم
يتمهي يومه بعتاب ولوم
يحاسب نفسه من غير لزوم
لحد ما يتعب ويروح في النوم



وقت غلط



عرفتيني في وقت غلط
كانت الدنيا بتخبط فيا
هتقولي على كلامي عبط
لكن انت مش هتحسي بيا
مش هقدر ابقى قليل الحيلة
وابقى أقل من حبك ليا
ولا يبقى قربك يادوب وسيلة
للهروب من اللي عليا
تستاهلي أحسن من حياتي
متحاوليش تقربي مني
مش هبقى قد كلامي معاكي

وأنا مش ضامن اللي هيحصلي
محاولتش أبينلك حبي
مع إن نفسي أبقى ليكي
وهفضل أنكر اللي في قلبي
عشان مش هقدر أجرح فيكي
الجرح قبل القرب أسهل
من إنني أكذب وأعشمك
بإني ناوي وإني هعمل
وفي الآخر أبعد وأخسر
أهون عليا مقولكيش
إنني بحبك وأقربك
من غيرك هحاول أعيش
وأنا نفسي أقرب وأسعدك



متخيراتيش



لسه زي ما انت متغير تيش
بتفكري فيه ومنسيتيش
بتحاسبي نفسك ع اللي فاتك
مع إن هو اللي راح وسابك
وقدر بعدك ينساكي ويعيش
وانت زي ما انت مكانك
مش عايزة تصدقي إنه خانك
بقيتي زي قوالب الحجر
وتحت عينيك باين السهر
وتايهة ومش شايفة قدامك
مانفوق بقى من وهمك الكداب

لا انتِ أول واحدة تتساب
ولا آخر واحدة هتتجرح
ده فيه ناس عايشة بقلب بجح
وبتستحلى فى غيرها العذاب
متكسريش نفسك عشان حد خاين
ده المفروض يبقى عليكى هاين
اسندي على نفسك وقومي وكملي
استقوي باللي باقي فيكي هتقدري
كان إيه فى حياتنا جبيناه ولسه دايم



نص



نص رايح نص جي

نص ميت نص حي

نص قادر إنه يبعد

نص بيقترب ويوعد

نص خايف وييهرب

نص بيعب ويجرب

نص على نفسه قادر

بيقدر ع البعد ويقسى

نص يسند ويعافر

نفسه يمسك أي فرصة

نص مقدرش يستحمل

وبداً لنفسه يكره
نص بيحلم ويكمل
عنده أمل في بكره
نصين عكس بعض في روح
نص فرح ونص جروح
جايين على بعض في التفكير
وسايين كل حاجه تروح



سيبوها تزعل



محدث يلومها على زعلها

ده لما سابها خد حاجات

محدث غيرها هيفهمها

محدث هيعوض إحساسها اللي مات

سيبوها تزعل وتاخذ وقتها

ملوش لازمة الكلام دلوقت

يمكن يهون عليها جرحها

واحدة واحدة تفوق مع الوقت

كل ده عشان حبت بجد

وكانت فاكراً إنه حبها
كانت واثقة فيه لأبعد حد
سلمت وسلمتله قلبها

سيبوها تراجع نفسها وتفكر
وهي عرفت الغلط فين
يمكن لما لنفسها تقدّر
ترجع روحها لقلبها الحزين
وتفهم إن الحب مش بالكلام
ومش هتقف على حد خان
واللي تهون عليه العشرة
صعب تديله الأمان



متاخذ راحته



أنا عاشق متاخذ راحته
اللي بحبه مش سائل فيا
أبعد عنه واسيبه براحته
يرجع ينده تاني عليا
يشغلني حبة ويبعد حبة
وكأنه بيتقل ويجرب
ياما نفسى ابقى من الأحبة
ويحن عليا ويقرب
أكلمه يصد فيا ويسيني
ويخلي قلبي ياخذ جنب
يستنى حبة ويجي يصالحني

وقلبي ماله ده مالوش ذنب
ده يادوب بيحب ومش طایل
و کمان دقاته بقت ع القد
ویارسته مخبي ومش قایل
ده شکله باين لأي حد
لو يقرب بس لیا
هیلاقي کل اللي یتمناه
هیلاقي قلبه مناسب علیا
وقلبي لسه بیستناه



روتين



بتعيد نفس الأيام
بنفس الشكل والكلام
بنفس الناس حواليك
وبنفس عتابهم ليك
حتى وهما اللي بعاد
وكأنك عايش في مزاد
كل واحد يرميك بكلمة
كأن عنده ضمير وذمة
وهو أول حد باع
الحق جنبه راح وضاع
نفس الوشوش في كذبها

حتى في ملامح شكلها
وانت بقيت حابب تتعامل
بقيت نسخة منهم
بقيت نفس شكلهم
وبدأت تخسر أحلامك
مش شايف شكل أيامك
عشان ترضيهم ناسي نفسك
مش قابل أصلك في ملامحك
حابس نفسك في روتين
مش مهم تكون مع مين
المهم إنك تهرب
حاول كده مرة وجرب
تبقى مرة تكون نفسك
حتى لو هتعيش لوحدك
بس عيش بملامح إنسان

بيجرب ويعافر ومش جبان
من حقك تعيش يوم مرتاح
وتعوض كل اللي سييته وراح
قرب من نفسك واتفائل
هتلاقي فيك حاجة تستاهل



حلم عاشق



عارفة يعني إيه حبييتي
يعني حبك جوا قلبي
يعني عاشق فيكي كلك
يعني هفضل أعيد وأقولك
إنك انتِ سبب راحتِي

انتِ كل حاجة ليا
انتِ روح بترد فيا
انتِ سكة للحياة
حلم عاشق يوم لقاه
حُضن يبطبطب عليا

انتِ آخر فرصة تيجي
ربنا بيرضيني بيكي
واللي يصبر صحيح ينول
انتِ نعمة أخاف تزول
وأنا ماصدقت الايكي



بيت للحياة



تعالى أنا وانتِ نمشي سكة
ورزقي ورزقك على الله
إيدي في إيديك ناخذ خطوة
ونرسم سوا بيت للحياة
يرزقني ربنا بحبك
ويرزقك بالعشق اللي في قلبي
يرضيني بعمرى جنبك
ويقدرني على راحتك جنبى
وأكون أنا السند ليكي
لو خفتي مرة من الأيام
وقوتك وحنين عليكى

وأحقق ليكي الأحلام
وتبقي أحن حد ليا
بجري وبترمي في حضنه
تهوني الصعب عليا
وسانده قلبي وقت ضعفه
تعالى نعدي أي ظروف
نتحدى الدنيا وما فيها
تعالى نعيش من غير خوف
وواحدة واحدة هنبنيها



كنت قاصدة



كنت قاصدة أسمعها منه

حيث أشوف رد فعله

كنت عايزاه يزيد الوجع فيا

عشان لو فكر يرجع تاني ليا

يلاقيني قادرة أستغنى عنه

كنت قاصدة أسمع كل كلمة عنده

كنت عايزة أندم ع اللي خلاني أحبه

سيبته يكسّر كل حاجة حلوة ليه

وبأيده يمسخ كل ذكرى تفكرني بيه

مش عايزة تفضل حاجة واحدة منه

فضلت قصاده ساكنة

بسمعه ومش بنطق

وهو الله يباركله

ساعتها كأنه ما صدق

قال كل حاجة تبين حقيقته قدامي

أنا مش غبية إني سييته ده اختياري

ع الأقل بلحق نفسي قبل ما أغرق

قبل ما أوهم نفسي إنه حد يستاهل

قبل ما الأيام تيجي عليا بالساهل

وأعيش ضعيفة لحد في الأصل كداب

وهو اخره يادوب يتقفل وراه الباب

وأعيش حياتي أحسن ما كنت عيشاها بمراحل



ليا حق



قلبي شايل حلم أكبر همومي

لسه قادر أكمل رغم اللي سابوني

لسه فيا حنة ماسكة في الحياة

حنة سايبة نور قدام عيوني

بعرف أفرح حتى ولو بعيش لوحدي

واخد الدنيا عافية بعند وتحدي

لسه فيا حيل لو وقعت أقوم

حياتي عايشها واحدة واحدة وعلى قدي

قادر أكمل كل حاجة لسه ناقصة
قادر أبدل كل حاجة اتعاشت غلطة
لسه ليا عند الدنيا حق هاخده منها
عمري مش هيضيع لو باقي منه لحظة

قادر أسرق من قلب الدنيا فرحها
قادر أغير شكلها بحزنها بمرها
لسه عندي حبة صبر بيخليني أكمل
وكل حاجة جاية جاية بس في وقتها



أصحاب الحب المداري



أصحاب الحب المداري
مش ناقصة قلوبهم أوجاع
مش حمل رهان في الوضع الحالي
مش حمل فرصة لحد باع

قلوب من كتر التخييط اتهدت
ملاقتش سند تميل عليه
مفیش سكة مشيتها صدقت
مفیش سبب للحال اللي فيه

قلوب محتاجة الطيبة

ملهاش في زحمة الحوارات

عائشة سنين متلغطة

من وجع العمر اللي فات

قلوب بتحب وبتخبي

خافه تبين تتهان

قلوب لو صح اتجبت

هتعيش عمرها في أمان



من عشاقك



جائز أكون من عشاقك
لكن قلبك مش ليا
ومهما الشوق كان جابك
برده هتكوني أنانية

لا ليكي عشق بيدوم
ولا ليكي قلب بيصون
ده هما يدوب كام يوم
وقلبك يزهق ويخون

ده الواحد من كتر مافهمك

مبقاش يتأثر بكلامك

بقى عادي لو هبعد عنك

ده وجودك بقى زي غيابك



مونسة



متسيوش الود بينكم ينتهي
متسرقوش من عمر بعض بالأذي
متفتكروش وجع القلوب بيتسي
متمثلوش على بعض بوشوش منحسة
متعودوش قلوبكم في الأسى تترمي
متعيشوش وضمائر كم شبه مفلسة
سيبوا روحكم في الخير تتلهي
سيبوا جنب منكم قلوب مونسة



بروتة



من فرحتها بفستانها لفت بروتة

دى الليلة ليلتها

والهيصة في الحنة

ابن حلال همزور بيتها

في شباكها من ستة

مع إن معاده يجي سبعة

كلمها وهو في السكة

وفرحة قلبها مش سايعة

دقات بتزيد مش ساكنة

أصل صان الوعد اللي قاله

وكل كلام اتقال ليها

وظروفه وذنيتيه وحاله
جنبه وهتشارك فيها
متحججش وقال يا ظروف
ولا هي عاندت وانضايقت
والحاجة اللي تجيب الخوف
بكل بساطة اتحلت
واحدة واحدة كان الطريق
فيه مية ألف حاجة تفرح
ولما كانت عليهم تضيق
يلاقوا حاجة تانية تريح
طوبة على طوبة اهي بتبني
والحب لو صدق يسند
والقلب لو اتعشق يغني
ويعمل أي حاجة ويسعد



الاصطباحة



لازم تبقى الاصطباحة بيكي
بضحكة بكلمة أو حتى أشوف عينكي
ميطبطش يومي غير لما أشوفك
وميهداش قلبي غير لما أطمئن عليك

روقان حالي دايمًا بروقانك
وشياكتك وحلاوتك ولون فستانك
وعيونك لما تندهلي
أجيلها وأنا بتملى في جمالك

بتعرفي تخلي التعب يهون
بتوصلي العقل معاكي للجنون
بتخليني أهرب من نفسي ليكي
بتبقى التوهة في حضنك سكون

بتسرقيني زي عادتك بتفاصيلك
بتجبريني أسيب الدنيا دي وأجلك
يطول معاكي الكلام لحد السهر
ويحلى عشق السهر في ليلك



مش لعبة



إياك ظهورها تاني يحركك

إياك ضعفك بيان عليك

ده اللي تعبك بعدها وسهرك

بقى دلوقتي معلم فيك

أيوه هي أحلى حاجة حصلت

أحلى حاجة جوانا عاشت

وهي اللي قدرت وفينا كسرت

واللي بسهولة سابت وباعت

إياك رجوعها تاني يخليك تضعف

مفيش تعب بيتنسي بمعلش

محتاج تجمد كده وتنشف

واللي سابك سيبه وماتخافش

بقالك فترة عايش من غيرها

أيام كتير عدت ولا افكرتها

زي ما سابت لازم تسيبها

مش لعبة هترميها وتاني ترجعلها



هتتعلمين



كان نفسي أشوفك غير كده
تكوني أحسن م اللي انت فيه
مش أي حد بعدي ينده
تروحي تجري بسهولة عليه

تبقي فاكرة بعنادك
إنك كده بتجر حيني
معلش ده من غبائك
وده اللي بان لما سيبتيني

محاولتيش في مرة تفهمي
إن الغلط ساعتها منك
لكن دلوقتي هتتعلمي
والفرق هتعرفيه ببعدي عنك

عن نفسي أنا مش ههتم
ولا عمري هشغل مرة بالي
ده البعيد لو كان عنده دم
مايروحش للرخيص بعد الغالي

دي عمرها ما كانت شماتة
ولا هقلل منك في يوم
كان نفسي بس أشوف السعادة
اللي شوفت منك عليها لوم



يا صاحبي



يا صاحبي متزعش مني

هي الدنيا كده متعبة

بتبعد بين الحبايب

وبتاخدنا من ده وده

أنا لو عليا أجيلك

نفسى نقعد زي زمان

حكاوي وكلام ياخدنا

ولا يفرق معانا المكان

ضحك وهزار وسهر

وأكله تكفي جيوينا الفاضية

تحويشة ولمة وسفر

ووقوف بالساعات ع الناصية
أيام ما كان فيه راحة بال
مهما كان الحال متجمعين
لكن الظروف والبيت والعيال
مهما خدونا مش ناسيين
يا صاحبي وعشرة السنين
سلامي ليك ولأحلى أيام
مسيرنا نكررها تاني
بس اوعى تحسب العمر كام



مكسورة



بقيت بميل للبعد
لأي حاجة وقتها يطول
تدخل قلبي السعادة
أخاف وفي لحظة تتحول
وأرجع أميل للوحدة
فيه حاجة جوايا مكسورة
لو أعرف إيه هي اشتكى
وتتغير ملامحي في الصورة
لكن عايش في توهة
ماشي في كل سكة شوية
بحاول الاقي نفسي

في صح أو غلط حواليا
ومن كتر التدوير بتعب
وتعلم فيا أوجاعهم
ولو حد فيهم كلمني
يعدي الوقت ولا بسمعهم
مبقتش قادر أتكلم
ولا قادر أسمع حتى مالك
كلامهم كله معلش
وبكره ينصلح حالي
ويعدي عليا كذا بكرة
وملاقيش نفسي غير في وحدتي
مش بكثر الناس حواليا
ده في ثانية الوشوش بتختفي



ساند نفسك



بيان عليك التعب والهدء

لكن قلبك لسه ليه شءة

بيعافر من مءة لمءة

كل ما يقع يقوم

ويغير الحال والسكة

مىة حاجة بتحاول تكسرك

ناس تفارق وتخسرك

ظروف حواليك تحيرك

وانت تايه وسط الهموم

مستني حد يقدرك

تملي ساند نفسك بايدك
لا شكيت مرة من نصيبك
ولا من أي شيء يصيبك
راضي قلبك باللي انت فيه
مهما حالك يوديك ويجيبك



بيخنفوا



إن غبت ميسألوش
وان عاتبوا ميعذروش
ولو تحتاجلهم في يوم
بيخنفوا مايظهروش
دى ناس في الأصل جبانة
الفرحة معاهم بهتانة
وجودهم بقى زي عدمه
يادوب مالين بس الخانة
راسمين وشوش كدابة
عائشين بنفوس قلابه
فيه اللي بيان عليه الصحبة
وفيه اللي بيان عليه القرابه

مع السلامة



وانت خارج من حياتنا
ابقى خد الباب وراك
وان بعدك فيه راحتنا
يبقى الصبح اتعمل معاك
واللي عدى واللى فاتنا
عادي بكره هنعوضه
قالوا سيينا ولا اتسابنا
بكلمتين يتظبطوا

وانت خارج من مكانك
اوعى ترجع تاني ليه

هتلاقي اللي يقل مقامك
عشان بقى غيرك ساكن فيه
حد يقدر ويتقدر
يعرف قيمة اللي معاه
مش لما تعوزه يتبخر
وفين لما تاني تلقاه

اوعى تبقى فاكرها صعبة
وان بعدك فيه ندامة
ده اللي يفكر بس يسبيننا
نقوله احنا مع السلامة



زى قلته



كان ليك دلع متشالك
بس انت ضيعته بغبائك
لا فهمت مرة اللي اتقالك
والصبح كان هو فراقك
مفهمتش ان اللي يحبك
تعشقه بروحك وتصونه
لكن انت اللي يقرب من قلبك
ده اللي سهل عليك تخونه
مش مستغرب من الطريقة
وان كدبك عليك بيان
فيه ناس بتظهر الحقيقة

أول ما تفتح لها البيان
وببقى الكلام زى قلته
وعتاب الندل اجتنابه
ويهون وتهون محبته
ونلعن الحب اللي جابه



سامحيني



مقدرتش على حب قلبك
لسه واخذ على اللي قبلك
مش عيب فيك ده عيب فيا
لسه بشتاقلها وأنا جنبك
مش قادر أكمل وأخدعك
أنا بسرح فيها مش بسمعك
مش قادر أنساها وأعيش معاكي
مش قادر بإحساسي أوجعك
بحاول دايمًا أنساها بيكي
لكن بقارنها باللي ليكي
بحاول أخليكي زيها

تبقى نسخة واشوفها فيكي
نفس أسلوب وطريقة كلامها
نفس الزعل والفرح وهزارها
وروحها اللي دايمًا وحشاني
وروحي اللي بتخطف قدامها
غصب عنى لو أذيتك
هكذب لو قلت حبيتك
مش قادر أكمل وأنا كده
سامحيني أنا لازم أسيبك



منكوشة



بنوتة شقية ومنكوشة
هادية وساعات مرووشة
بتداري الحزن جواها
وتبين إنها الفرفوشة

تبص في عينيها تحتار
في كلام ياخذك في حوار
بس لو تديك الفرصة
هي اللي في إيديها القرار
مش سهلة ولا ليها طريقة
نوعها نادر وده الحقيقة

تكلّمها بيان كسوفها

وتصدك وتبقى جريئة

متفتّحش باب ولا توارب

حتى لو الشوق كان غالب

تتقل وتاخذ وقتها

وده حقها ومعاها مناسب

عارفة إيه اللي يستاهلها

مش أي حاجة تملئ عينها

غرورها فعلا لايق عليها

ده اللي ماتجيش آخرها

ده اللي قالوا جمالها يسحرك

ده اللي بكلمة منها تسهرك

ده اللي مش ممكن تنساها

لو مرة حبت تشغلك

بلستخرب



مش قابلة منك اعتذار

مش قابلة أي كلمة منك

كان ده فين في القرار

لما خلتنى أبعد عنك

انت ليه شايفها سهلة

ولما تنوي ترجع أقبل

اللي حبك قلب طيب

مش قلب لسه شايفه أهبل

زي ماهي سهلة تبعد
برده سهلة عليا أنساك
بتستغرب أنا ليه بعند
ده الطريقة اللي هتبقى معاك

أصل انت ناكر للي حبك
وقليل الأصل ملوش أمان
اللي شفته من اللي زيك
ميتصدقش لو جاي ندمان



أستاهل



فكرت كثير قبل ما أقولك
عشان خايف من رد فعلك
حاولت أداري لكن عشقتك
ف بقى لازم اجي واندهلك

ماهو غصب عني وأنا حيت
عشان كده قربت وجيت
ومهما يتقال منك رضيت
ولكل شروطك اشتريت

كل اللي طالبه منك تستحمليني
تديني فرصة واحدة وتسمعيني
ومتسييش قلبي كده وارضييني
وقبل ما امشى جنبك خلييني

بقالي فترة مبشلس عيني من عليك
بحاول أشوف كل حاجة حلوة فيك
الكلام الهزار واللي لايق عليك
عشان تلاقي كل حاجة مني ترضيك

أستاهل لو بس فرصة واتحب منك
أنا بعمل اللي بتحبه وأنا بعيد عنك
تخليلي بقى لو في يوم عشت جنبك
هتلاقي عشق الدنيا ده في قلب حبك



حلوة من غيرك



يا سيدى أنا حلوة من غيرك
ومرتاحة ومبسوطة
ولما قلت إني أسيبك
ده خلى حياتي مضبوطة

عادي بعيش ومزاجي أحسن
روحي ردت تاني فيا
وجع يومين عليا أهون
من سنين تعدي عليا

أنا مش ندمانة على قراري
ده أول حاجة صح معاك
تخيل لما يبقى اختياري
يا الحق نفسي أو أضيع وياك

يا سيدي بقولها لك وكفاية
أنا حلوة أوي بعد غيابك
سعيدة جدا بشكل النهاية
اللي بقت أحلى بفراقك



يرضيك ربنا



يرضيك ربنا بناس ترضيك
ناس في كتفك تاخذ بايديك
ويقرب منك ابن الأصول اللي يصون
 ويبعد عنك قليل الأصل اللي يلهيك

يرضيك ربنا بقلوب تساع
ونفوس هادية عليك وتراعي
 ويفرق بينك وبين كذب الوشوش
اللي تبان بتحبك وفي الأصل أفاعي

يرضيك ربنا ويرضيلك قلبك
ويهدي حالك وتلاقي نفسك
ويزيد الوصل بينك وبين الرضا
وتنول كل اللي تحبه برضا ربك



غشيمة



وجع القلب بيهين صاحبه
وأنا ع الوجع ده متعودتش
وإذا كان الحب ده جرحه
ف أنا ضعيفة ومتعلمتش

أنا أول حب جالي جريت عليه
مكتتش عارفة إن ده نهايته
عملت كل حاجه حلوة له
وكأني كنت بطلة حكايته

غشيمة بقي ومكتش شايفة

زي أي واحدة حبت

مكتش ساعتها من حاجة خايفة

ساندت وساعدت وكمان قبلت

استغل الحلو اللي فيا غلط

بدأ يكسر فيا واحدة واحدة

كنت بقول لنفسي بطلي عبط

ده حاجات بتحصل لأي واحدة

وكأني قاصدة أعذب نفسي بإيدي

عيلة شبطانة في حاجة بتجرحها

مش شايفة إيه اللي بيحصل فيها

ولسه مستنياه عشان يجي يفرحها

مكتش مصدقة إنه بيسيبي

مكتش لاقية لنفسي أي سبب

عملت كل اللي يخيله حايبيني

واهو سابني أعلم قلبي الأدب

تحية



بقيت دلو قتي متسابة

بقيت أنا اللي متعابة

وكل كلمة أقولها له

يرد يقولي كدابة

استغربت من طريقته ليا

من بعد ما كان هيموت عليا

بقي مش طايقلي كلمة

ومش حابب أي حاجة فيا

قلت أشوف وأدور وراه
يمكن الاقي حاجة مضيقاه
واصبر شوية ومضغطش عليه
وواحدة واحدة أقف معاه

لقيت حاجات جديدة عليا
وبجد كان يستاهل تحية
عرفت بيعمل كل ده ليه
طلع حابنى على واحدة تانية



ابعد



ابعد .. يكفيك شر المستخبي
وفرقة ملكش ذنب فيها
يكفيك شر اللي بيصبر ويعدي
وتجيله فرصة يستقوى بيها
يكفيك شر المتساب من فترة
ومفيش حاجة بقت فارقة معاه
مشاعره بقت معدومة وفاضية
واللي حصله مش قادر ينساه
يكفيك شر تعب القلوب
لما الوجد فيها يعلم
وعلى أحلى حاجة يندم ويتوب

ولأني سكة يهرب ويسلم
يكفيك شر عدم الأمان
واللي فاكره سنذك يكسرك
واللي خد على إنه يتخان
هيبقي صعب يصدقك
مفيش مكان للمحاولة
ولا روح قادرة تجرب ثاني
ده اللي باقى أعيشه أولى
حتى لو القلب وحداني



مرضی



فيه كام كلمة بتريح
وكام كلمة بتسوح
ساعات بتسمع بترضى
وساعات بترفض وتشوح
حزن بتداريه بضحكة
فرح بتخاف تبينه
روحك فى ليلك ساكتة
مش لاقية حد تكلمه
متشتت بين رضاهم ورضاك
خايف لحد يبعد ويخسر ك
وعارف إن اللي جنبك ومعاك

هو ده اللي معطلك
تعيش لوحده وانت مرضي
أحسن ماتعيش لغيرك مكفي
بدل ما ألف حاجة توجعك
والوجع بيعلم ويقسي
متسبش كل حاجة تضيع منك
لو اللي باقي راح هيبقى ذنبك
متحسبهاش يوم بعمرك
احسبها باللي يستاهله قلبك



الفهرس

٧	جبر الخواطر
٩	ناقصة فرحة
١١	صاحبة النممش
١٣	تفاصيل
١٥	قرارك
١٧	حكايات
١٩	بعتذرلك
٢١	مقفلة
٢٣	بعدي عنك
٢٥	بهتانة وشوشكم
٢٧	مش بالنقاوة
٢٩	معشوقة
٣١	رزق الغلابة
٣٣	أول سطر
٣٥	علميني
٣٧	بيضحك
٣٩	وقت غلط
٤١	متغيرتيش
٤٣	نص
٤٥	سيبوها تزعل

٤٧	مَتَّأخِد رَاحَتِه
٤٩	رَوْتِين
٥٢	حَلَم عَاشِق
٥٤	بَيْت لِلْحَيَاة
٥٦	كُنْتَ قَاصِدَة
٥٨	لِيَا حَق
٦٠	أَصْحَابُ الْحُبِّ الْمُدَارِي
٦٢	مِنْ عَشَاقِكَ
٦٤	مُونَسَة
٦٥	بِرُونَة
٦٧	الاصْطِبَاحَة
٦٩	مَش لَعْبَة
٧١	هَتْتَعْلَمِي
٧٣	يَا صَاحِبِي
٧٥	مَكْسُورَة
٧٧	سَاند نَفْسُكَ
٧٩	بِيخْتَفُوا
٨٠	مَعَ السَّلَامَة
٨٢	زِي قَلْتِه
٨٤	سَامِحِينِي
٨٦	مَنْكُوشَة
٨٨	بَسْتَغْرِب

٩٠	أستاهل
٩٢	حلوة من غيرك
٩٤	يرضيك ربنا
٩٦	غشيمة
٩٨	تحية
١٠٠	ابعد
١٠٢	مرضي

Social Media Links:

www.facebook.com/MahmoudMagdyOfficial

www.instagram.com/MahmoudMagdyOfficial

www.youtube.com/MahmoudMagdyOfficial

www.soundcloud.com/MahmoudMagdyOfficial